

տանի վանիի հնամասին պեղումներից հայտնաբերված ռակ վարսակալի մասին, որի շեղանկյունածն ծայրերի վրա դրվագված պատկերները հնարավորություններ են ընծեռում կուլտուրապատմական կարգի մի շարք դատողությունների համար: Զեկուցողի կարծիքով հիշյալ իրը արտացոլում է կողքիսի և իրանի միջև գոյություն ունեցող մշակութային կապերը, քանի որ դրվագված պատկերները հիշեցնում են Զիվիեի, ինչպես նաև մարական ու աբեմենյան ժամանակաշրջանի արվեստի այլ գործերի վրա հանդիպող գեղարվեստական սկզբունքները:

Յու. Մ. Գազոշիձեն (Թբիլիսի) պատմեց մ. թ. ա. V—III դարերի Արևելյան Վրաստանի խեցեգործության մասին, որը, որակապես տարբերվելով նախորդ ժամանակաշրջանների խեցեղենից, կրել է ուրարտական և իրանական խեցեգործության ազդեցությունը: Ներկաները մեծ հետաքրքրությամբ դիտեցին նույն այդ ժամանակաշրջանին վերաբերող գունազարդ կամանոթների մի քանի նմուշների նկարները:

Ի. Գ. Ալիև (Բաքու) հնագիտական, հատկապես դամբարանային նյութերի հիման վրա վերականգնել էր այսնա-սարմատական ցեղերի ճանապարհը Հյուսիսային Կովկասից մինչև Իրան: Զեկուցողի կարծիքով այդ ճանապարհի մի հատվածն էլ անցնում էր Կուր գետի հովտով, ինչպես այդ վկայում են Մինգեչաուրի պեղումները:

Գ. Խ. Սարգսյանի (Երևան) զեկուցման մեջ ցույց էր տրված, որ պարթևների պատմության որոշ բացեր հնարավոր է մասամբ լրացնել հայ վաղ միջնադարյան աղբյուրների և առաջին հերթին Մովսես Խորենացու «Հայոց պատմության» տվյալներով:

Ա. Լ. Հովհաննիսյանը (Երևան) կանգ առավ էրերունի—Արինքերդի աբեմենյան ժամանակաշրջանի հուշարձանների վրա (սյունազարդ դահլիճ, հրո տաճարներ և այլ նյութեր), որոնք միաբերան վկայում են այդ հուշակված ուրարտական կենտրոնի մեծ նշանակության մասին նաև հետագա դարերում:

Գ. Ա. Տիրացյանի (Երևան) զեկուցումը կազմված էր Աբեմենյան Հայաստանի ներքին պատմության մի քանի հարցերի հետ (սատրապի հողային տիրույթներ, արքունիքն ու զրասենյակը, սատրապության գինվորական կազմակերպությունը):

Մի շարք զեկուցումներ նվիրված էին Իրանի վաղ միջնադարյան պատմությանը և մշակութին Սասանյանների օրոք, ինչպես նաև միջինասիական մշակույթների հետ դրսևորվող առնչությունների ուսումնասիրման արդյունքներին:

Գիտական նստաշրջանին մասնակցում էր Իրանի գիտնականների պատվիրակությունը, որի մի շարք անդամներ հանդես եկան զեկուցումներով:

Ա. Նեզահրանը պատմեց Մարլիկում իր գեղավարությամբ կատարված պեղումների մասին, որոնք տվել են ուշագրավ արդյունքներ: Մարլիկի մշակույթը հայտնի է իր ինքնատիպությամբ և բազմազանությամբ, առանձին իրերի գեղարվեստական բարձր արժանիքներով:

Ա. Շաֆան, որը հայտնի է իրանագիտության պատմության ասպարեզում կատարած ուսումնասիրություններով, կանգ առավ սովետական իրանագետների աշխատությունների դեպահատման ու ընդհանրացման հարցերի վրա:

Նստաշրջանի կապակցությամբ Պետական էրմիտաժը Արևելքի բաժնի ջանքերով Գեորգիայան դահլիճում կազմակերպեց իրանական նյութական մշակույթին և արվեստին նվիրված մեծ ցուցահանդես: Էրմիտաժի աշխարհահռչակ նյութերի հետ միասին ցուցադրվել էին Միջին Ասիայի և Անդրկովկասի մի շարք թանգարանների նյութերը: Այցելուները մեծ ուշադրությամբ էին դիտում էրերունի թանգարանից բերված արծաթյա պոչակները (ոխտները), որոնք հայտնաբերվել էին 1968 թ. վերջերին Արինքերդի շրջակայքում:

Գ. Ա. ՏՈՒՆՅԱՆ

ԲՅՈՒՋԱՆԴԱԳԵՏՆԵՐԻ ՄԻՋԱԶԳԱՅԻՆ XIV ԿՈՆԳՐԵՍԸ

1971 թ. սեպտեմբերի 6—12-ը Բուխարեստում կայացավ բյուզանդագետների միջազգային XIV կոնգրեսը: Նրա աշխատանքների մասնակցեցին աշխարհի ավելի քան 30 երկրներից շուրջ 680 մասնագետներ, այդ թվում ՍՍՀՄ-ից՝ մոտ 40 հոգի: Կոնգրեսը ակնբախ կերպով ցուցադրեց բյուզանդագիտության բուրն զարգացումը ամբողջ աշխարհում:

Ռումինական Սոցիալիստական Հանրապետության Պետական խորհրդի նախագահ Ն. Զաուչեսկուի՝ կոնգրեսի մասնակիցներին ուղղված ուղերձում ընդգծված էր այն նշանակությունը, որ ունի անցյալի պատմության ուսումնասիրությունը, մասնավորապես բյուզանդագիտությունը, հատկապես այն ժողովուրդների համար, որոնք ժամանակին կրել են բյուզանդական

մշակույթի և քաղաքակրթության ազդեցությունը:

Կոնգրեսին ուղղված ողջույնի խոսքով հանդես եկան Ռումինական Սոցիալիստական Հանրապետության հասարակական և քաղաքական գիտությունների ակադեմիայի պրեզիդենտ Մ. Կոստանտինեսկուն, XIV կոնգրեսի կազմկոմիտեի գլխավոր քարտուղար Մ. Բերգան, բյուզանդագետների միջազգային ասոցիացիայի նախագահ Պ. Լրմերլը, անվանի բյուզանդագետներ Ս. Ռենսիմենը (Անգլիա), Վ. Ն. Լազարևը (ՍՍՀՄ), Գ. Ա. Ոստրոգոբսկին (Հարավսլավիա) և ուրիշներ:

Կոնգրեսում քննարկման էր դրված շորս մեծ թեմա. 1) Բյուզանդական հասարակությունը և մտավոր կյանքը XIV դարում (գեկ. Ի. Շևչենկո—ԱՄՆ), 2) Բյուզանդական կայսրության սահմանները և սահմանամերձ շրջանները VII—XII դարերում (ասիական սահմաններ, գեկ. Հ. Արվայլեր—Ֆրանսիա), 3) Աշխարհիկ արվեստը Բյուզանդիայում (գեկ. Ա. Գրաբար—Ֆրանսիա), 4) Բյուզանդիան և Ռումինիան (գեկ. Ի. Ստանեսկու—Ռումինիա):

Առաջին թեմայի առնչությամբ կից զեկուցումներով հանդես եկան է. Վերները (ԳՖՀ, «Հասարակությունն ու մշակույթը XIV դարում: Սոցիալ-տնտեսական հարցեր»), 3. Մեյենդորֆը (ԱՄՆ, «Հասարակությունն ու մշակույթը XIV դարում: Կրոնական հարցեր»), Հ. Բեկը (ԳՖՀ, «XIV դարի հունական ժողովրդական գրականություն»), Հ. Հունգերը (Ավստրիա, «Դասական տեղեկություններ XIV դարի բյուզանդական գրականության մեջ») և Մ. Խաժիդակիսը (Հունաստան, «Կլասիցիզմը և ժողովրդական տեղեկությունները XIV դարում»):

Երկրորդ թեմայի առնչությամբ հանդես եկան Զ. Վ. Ուդալցովան, Ա. Պ. Կաժդանը և Հ. Մ. Բաբիկյանը (ՍՍՀՄ), որոնց միացյալ զեկուցումը վերնագրված էր. «Բյուզանդական կայսրության արևելյան սահմանների սոցիալական ստրուկտուրան IX—XII դարերում: Զեկուցեցին նաև Ա. Պերտուզին (Իտալիա, «Պատմության և ավանդության միջև. ակերիտասներն ու դադիները Բյուզանդիայի արևելյան սահմաններում»), Ն. Իկոնոմիդիսը (Կանադա, «Բյուզանդիայի արևելյան սահմանների կազմակերպությունը X—XI դարերում և էսկուրիայի «Տակտիկոն»»), Գ. Որոլենսկին (Անգլիա, «Բյուզանդական սահմանային դոտիններ և մշակութային փոխհարաբերություններ»):

Երրորդ թեմայի կապակցությամբ կից զեկուցումներով հանդես եկան Կ. Ռեկվիրը (Անգլիա, «Բյուզանդական գործվածքները»), Վ. Յուլիանը (ԳՖՀ, «Աշխարհիկ արժանատի-

գործությունը և փոսկրագործությունը Բյուզանդիայում») և Ո. Ի. Պոդոբեդովան (ՍՍՀՄ, «Բյուզանդական պատկերազարդ ժամանակագրությունների արտացոլումը Գեորգ Ամարտուշոսի ժամանակագրության Տվերյան (Տրոիցկյան) գրչագրում»), իսկ չորրորդ թեմայի կապակցությամբ հանդես եկան Վ. Զորչեսկուն («Բյուզանդիան և ռումինական ինստիտուտները մինչև XV դարի վերջը»), Ի. Միրչան («Դրական կապերը Բյուզանդիայի և ռումինական շրջանների միջև»), Ի. Շտեֆանեսկուն («Ռումինա-բյուզանդական արվեստագիտական կապերը IV—XV դդ.: Ուսումնասիրության ներկա վիճակը»— բոլորը Ռումինիայից):

Այս շորս գլխավոր թեմաներից բացի, որոնց շուրջ սեկցիաներում կարդացվեցին մոտ 130 հաղորդումներ, գործում էին յոթ սեկցիա ևս, որտեղ օժանդակ և այլ գիտությունների հարցերին նվիրված հաղորդումներով հանդես եկան բազմաթիվ գիտնականներ: Այդ սեկցիաներն էին. 1) Զեազրագիտության, հնագրության, դիպլոմատիկայի, 2) Պապիրուսագիտության, արձանագրագիտության, պատմական աշխարհագրության, 3) Դրամագիտության, կնիքագիտության, 4) Հնագիտության և արվեստի, 5) Երաժշտագիտության, 6) Գիտության պատմության և 7) Տարրեր հարցերի:

Կարդացված զեկուցումներից և հաղորդումներից հայ ժողովրդի միջնադարյան պատմությանն էր առնչվում կոնգրեսի երկրորդ թեման՝ «Բյուզանդական կայսրության սահմանները և սահմանամերձ շրջանները VII—XII դարերում: Ասիական սահմաններ» և այդ թեմայի շուրջ կարդացված կից զեկուցումներն ու հաղորդումները: Հիմնական զեկուցող Հ. Արվայլերը ուսումնասիրության էր ենթարկել Բյուզանդական կայսրության արևելյան սահմանների հարցը տարբեր ասպեկտներով: Բյուզանդացիներն իրենց համարում էին քրիստոնյա այնպիսի մի ազգ, որի համար Կոստանդնուպոլիսը Նոր Հոռոմ էր, բայց միաժամանակ Նոր Երուսաղեմ: «Քրիստոնյա» տերմինը հոմանիշ էր «հոռոմայեցու» (բյուզանդացու): Նրանց պատկերացմամբ Բյուզանդական կայսրության սահմաններում էր ապրում «քաղաքակիրթ աշխարհը», իսկ նրանից դուրս «բարբոսական» աշխարհն էր: Քաղաքական իմաստով սահմանն ընդգրկում էր Կոստանդնուպոլսին և նրա վեհապետին հավատարիմ աշխարհը, այդ թվում և սահմանամերձ շրջաններում առկա փոքր ինքնավար, բայց ոչ բյուզանդական իշխանությունները, որոնք «բարեկամ» և «դաշնակից» էին: Զեկուցողն այնուհետև կանգ առավ «հարկային» սահմանների վրա: Նշելով, որ կայսրության քաղաքական

սահմանները նախ և առաջ նրա վարչական սահմաններն էին, զեկուցողը ցույց տվեց, որ պետության այս կամ այն շրջանի բնակչության հարկային կախումը կենտրոնից պայմանավորված էր «պախտի» և կանոնավոր հարկի վճարմամբ, ընդ որում, պախտ վճարողները՝ ավելի նվազ կախման մեջ էին, քան կանոնավոր հարկատուները։ Այս առթիվ Հ. Արվայլերը կանգ առավ նաև կայսրության՝ Հայաստանից զանձվող հարկերի տեսակների վրա։

Խոսելով «ռազմական» սահմանների մասին, զեկուցողը կանգ առավ նախ և առաջ քրեական սահմանների և նրանց ռազմական կազմակերպության, X դարում ստեղծված «փոքր» բանակաթեմերի, այսպես կոչված, «հայկական» բանակաթեմերի վրա, ապա սահմանների պաշտպանության գործի վերակառուցման, սահմանամերձ «ամայի», «ոչ ոքի չպատկուհող» տարածությունների հարցերի վրա։ Ըր զեկուցման վերջում նա նշեց այն խնդիրները, որոնք պետք է հետագա ուսումնասիրության առարկա դառնան. դրանք էին գլխավորապես, Անտիտավրոսի և Եփրատի միջև ընկած տարածության հարցը՝ IX դարի վերջում և X դարի սկզբում, այդ ժամանակաշրջանում գործած հայերի, այդ թվում և նշանավոր Մելիաս-Մլեհի գործունեությունը։ «Հայկական նախաձեռնության շնորհիվ», — նշեց Արվայլերը, — այդ շրջանները աստիճանաբար անցան կայսրության գերիշխանության ներքո։ Մի ակնթարթում X դարի արշալույսին, առանց որևէ ծագական ճիգի, բյուզանդական սահմանը հասավ մինչև Եփրատ և Մելիտիների դարպասները։ Լիկանդոս բանակաթեմի կազմակերպումը հենց Մելիասի գործն էր, և հասկանալի է, թե ինչու հայտնի բյուզանդագետներ փորձել են ի դեմս Մելիասի տեսնել այն պատմական անձնավորությունը, որն, իրենց կարծիքով Դիզենիս Ակրիտասի նախատիպն է եղել։

Երկրորդ թեմայի առաջին հարակից զեկուցման մեջ, որի հեղինակներն էին Ջ. Վ. Ուռացովսկի, Ա. Պ. Կաթոլանը և Հ. Մ. Բաբիխյանը, ցույց էր տրված, որ Բյուզանդական կայսրության արևելյան սահմանը բառիս բուն իմաստով շարժական (դինամիկ) էր ոչ միայն աշխարհագրական իմաստով, այլև փոփոխական՝ սախ և առաջ սոցիալ-քաղաքական իմաստով։ Այստեղ, համաշխարհային երկու հսկա տերությունների միջև, մշտապես գոյություն ունեին անկայուն, այլացեղ պետական կազմավորումներ։ Դրանց առկայությունը կախված չէր բյուզանդական Արևելքի աշխարհագրական պայմաններից, արդեն սեպարատիզմի համար բարենպաստ հող

էին ստեղծում։ Բյուզանդական արևելյան սահմանը աստիճանաբար տեղափոխվում էր Մերձեփրատյան տափաստաններից և Ասորիքից, Կովկասյան լեռներից և Տավրոսից դեպի Դալասի սարահարթերը։ Չնայած սահմանի աշխարհագրական տեսքի և էթնիկական սուբստրատի փոփոխմանը, անփոփոխ մնաց սահմանամերձ շրջանների սոցիալ-քաղաքական բուրուլտուրան, մնացին մանր տոհմիկ իշխանությունները։ Այդ յուրահատուկ երևույթի արմատները պետք է փնտրել ոչ թե էթնիկ-աշխարհագրական ոլորտում, այլ սոցիալ-քաղաքական։ Այս կապակցությամբ պահանջ է առաջանում մի անգամ ևս վերանայել պավլիկյան շարժման պատմությունը, որը լուրջ դասակարգային բողոք կամ կրոնական աղանդ չի կարելի համարել, քանի որ պավլիկյան անկախ պետության հիմնադրումը Տեֆրիկե կենտրոնով հանդիսանում է անկախ և կիսանկախ իշխանությունների կազմավորման նախակարգվածը Բյուզանդիայի արևելքում, մի երեւույթ, որ հստակ աչքի է զարնում առաջին խաչակրաց արշավանքի նախօրեին։

Սահմանամերձ նահանգները սոցիալ-քաղաքական իմաստով ազդեցություն ունեին Բյուզանդիայի վրա։ Կոմենենոսների տոհմի մեջ չկա և ոչ մի ընտանիք, որ ծագեր Կոստանդնուպոլսից կամ Հունաստանից։ Նրանց ազգականության մեծամասնությունը Փոքր Ասիայից էր, հատկապես նրա արևելյան նահանգներից։ Վերջապես պետք է մշակվի նաև Բյուզանդիայի վրա սահմանամերձ շրջանների՝ Դըշակութային ազդեցության հարցը։ Բյուզանդական էպոսը անկասկած ծագել է սահմանս. մերձ, բազմազգ միջավայրում (հույներ, լատիններ, արաբներ)։

Ա. Պերտուզին (Իտալիա) իր զեկուցման մեջ («Պատմության և ավանդության միջև» Ակրիտասները և զազիները Բյուզանդիայի արևելյան սահմաններում) նախ և առաջ կանգ առավ սահմանապահների՝ ակրիտասների և ապելատների հարցի վրա։ Նշելով, որ սահմանապահ զորքերը ավելի հին շրջանում կոչվում էին լիմիտանեի և կաստրեսիանի, Պերտուզին ցույց տվեց, որ ակրիտասները կարևոր դեր էին խաղում բյուզանդական սահմանների պահպանության գործում։ Այստեղ ծառայում էին նաև վիզլատորներն ու կամինավիզլատորները, որոնց պարտականությունն էր հետևել թշնամու շարժումներին։ Նրանք գլխավորապես հայեր էին։ Սահմանապահները, որ տարբեր անունների տակ են հիշվում (տրապեզիտներ, տասինականեր, խոնսարիոսներ, ապելատներ), Պերտուզիի համոզմամբ, գրեթե հո-

մանիշ հասկացություններ են և նշանակում են օտար ծագում ունեցող զինվորներից բաղկացած վարձկան զորամաս, առավել կամ պակաս չափով անկանոն:

Այնուհետև Պերտուգին անդրադարձավ նախ արարների, ապա սելջուկ թուրքերի կողմից Բյուզանդական կայսրության սահմանների վրա օգտագործված սահմանապահներին՝ դադիներին, մանրամասն ըննության առավել ակրիտասների և դադիների դերը, որ նրանք խաղում են Բյուզանդական Եփդեսիս Ակրիտաս» (Բյուզանդական էպոսում կա լուկ մեկ ակրիտաս. դա Դիգլենիսն է) և արարական Եփեսիսում (ա՛հա ա՛հա ա՛հա շիմմա) էպոսներում (որտեղ հերոս ալ-Բատտալը կրում է ռազմի մականունը), թուրքական ռալայիտ Բատտալս սիրավեպը, ապա նաև, այսպես կոչված, ակրիտյան ցիկլին վերաբերող հունական ժողովրդական երգերը, Եփդեսիս Ակրիտաս» էպոսի հին ոտսական թարգմանությունը (ΞΕΒΡΕΗΕΒΟ ΔΕΒΗΕΒ) և այլն: Զեկուցողը անդրադարձավ այդ սահմանապահ հերոսներին տրված նկարագրությանը էպոսներում և պոեմներում և նրանց պատմությանը XI—XII դարերում:

Ն. Իվոնովիդիսը (Կանադա) հանդես եկավ «Բյուզանդիայի արևելյան սահմանի կազմակերպումը X—XI դարերում և էսկուրիալի Տակտիկոնը» զեկուցմամբ: Բկոնոմիդիսը ուսումնասիրության առարկա էր դարձրել Սադրիդի «էսկուրիալ» պատի մատենադարանի XI դարի գրչագրում հայտնաբերված «Տակտիկոնը» (ռազմական արվեստի մասին երկը): Այն կազմված է 970-ական թթ. և բովանդակում է Բյուզանդիայի արևելյան սահմանների, զխավորապես Հայաստանի մասին բազմաթիվ արժեքավոր տեղեկություններ: Այս շրջանում Բյուզանդիայի ղեկի արևելք առաջխաղացման կապակցությամբ նկատելի հայերով բնակեցված բազմաթիվ սահմանամերձ «փոքր» բանակաթևների կազմակերպումը, այդ թվում Խարպեդիկի, Խոզանի, Ասմոսատի (Շիմշատ), Կարինի, Դերջանի, Յիլիսպերտի (զեկուցողի կարծիքով գտնվում էր Արդահանից 11 կմ. ղեկի արևելք): Զեկուցողը նշեց այն հետաքրքրական փաստը, որ 956 թ. պատերազմական գործողությունների առնչությամբ արարական ազբյուրները հիշում են Խոզանի զորահրամանատարին, որին զգուշացրել են կոչում: Դա ոչ այլ ինչ է, քան հայկական «զորավար» բառը (վրացական ազբյուրներում Գրիգոր Բակուրյանը Արևելքի զորավարն է կոչված):

Այնուհետև Իվոնովիդիսը կանգ առավ այդ սահմանամերձ շրջանների վարչական և ռազմական նոր սիստեմի վրա: էսկուրիալի փաստաթուղթը ցույց է տալիս, որ այդ սահմանամերձ նահանգների զորքերը զխավորապես հայերից էին կազմված, և հասկանալի է, թե ինչու այդ նահանգները X դարի կեսերից ազբյուրներում որակվում են որպես «հայկական» բանակաթևներ, ի տարբերություն «հոռոմականներից»: Սահմանամերձ շրջաններում «փոքր» բանակաթևների ստեղծումը կենտրոնին հնարավորություն էր տալիս ավելի հեշտությամբ ղեկավարել դրանք, թույլ չտալ նրանց հանդես գալ կենտրոնական իշխանության դեմ, որն իր հսկողությունը տարածում էր այստեղ դատավորների, ֆինանսական պաշտոնեյան և այլոց միջոցով: Ռազմական հսկողությունը դրված էր կենտրոնից ուղարկվող ծանր հեծելազորի վրա: Իր ղեկուցման վերջում Իվոնովիդիսը կանգ առավ Բյուզանդիայի կրոնական և հարկային քաղաքականության վրա Հայաստանում, հայերի տեղահանության և այլ բուրդի աղետալի հետևանքների վրա կայսրության համար:

Երկրորդ թեմայի վերջին հարակից զեկուցման հեղինակն էր Դ. Որոլենսկին («Բյուզանդական սահմանային գոտիներ և մշակութային փոխհարաբերություններ»): Նա զխավորապես կանգ առավ Բյուզանդիայի արևելանվորպական և հյուսիս-պոնտական սահմանամերձ շրջանների վրա (Բալկանյան թերակղզու հյուսիսային մասը, միջին և ստորին Դանուբի շրջանները, Ղրիմի, հարավ-ուսական տափաստանների և Սև ծովի հյուսիսային ու հյուսիս-արևելյան մերձափնյա շրջանները): Կայսրության փոքրասիական և անդրկովկասյան սահմանների վրա Օրոլենսկին կանգ առավ շատ համոռոտակի: Նա ցույց տվեց, որ Բյուզանդական կայսրության ռազմական սահմանները ավելի շուտ վերացական էին, քան իրական: Տավրոսի լեռնաշղթան, որ Բյուզանդա-արարական սահմանի ամենից կայուն գոտին էր հանդիսանում VII—X դդ., բաց էր արարական արշավանքների համար, երկու կողմից անապատ և անմարդարնակ, ոչ ոքի չպատկանող շրջաններ էին, որոնք, Թեոփանեսի ասելով, տարածվում էին Մոպսուեստիայից մինչև Զորրորդ Հայք: Իրենց բնույթով մշակութային սահմանները ավելի որոշակի էին, քան ռազմական սահմանները: Զեկուցողն այնուհետև կանգ առավ Բյուզանդական սահմանային գոտիների հարցում աշխարհագրական ֆակտորի խաղացած դերի վրա:

Սահմանամերձ ժողովուրդների մեջ Բյուզանդիայի տնտեսական և մշակութային ազդեցության տարածմանը նպաստում էին քրիստոնյա միսիոներները, որոնցից Օրոլենսկին կանգ առավ կեղծ Զաքարիա Միտիլենացու (VI դ.) հիշած հայկական մի առաքելության վրա Հյուսիսային Կովկասի հոների մոտ, որը հավանաբար օժանդակված էր Հուստինիանոս Ա-ի կառավարության կողմից, ապա Առանից 542 թ. Հյուսիսային Կովկաս գնացած մի հայ եպիսկոպոսի, որը քրիստոնեական համայնք կազմակերպեց սավիրների մեջ:

Ռազմական տեխնիկայի արտահանման, դրամական փոխհարաբերությունների, նյութական բարիքների փոխանակության, տնտեսական արտադրանքի արտահանմանը օժանդակելու հետ միասին, բյուզանդական սահմանային գոտին նպաստում էր նաև քաղաքական իդեալների և ինստիտուտների տարածմանը սահմանամերձ ժողովուրդների մեջ, Բյուզանդիայի և այդ ժողովուրդների միջև բարեկամական հարաբերությունների հաստատմանը, այդ ժողովուրդներին կայսրության դաշնակիցների թվում ներգրավելուն և երկրի սահմանները թշնամուց պաշտպանելուն: Նույն դերն էին խաղում նաև տարբեր ժողովուրդների տեղահանություններն ու գաղթեցումները դեպի երկրի սահմանները, այդ թվում և հայերի գաղթեցումը Թրակիա VIII դարում:

Երկրորդ թեմայի հիմնական զեկուցումներից բացի, այս և մյուս սեկցիաներում բազմաթիվ հաղորդումներ արվեցին, որոնցից հայագիտության հետ կողմնակի կամ անմիջական աղերս ունեին հետյեկները:

Պ. Խառանիս (ԱՄՆ, «Լեզվական սահմանը Փոքր Ասիայում մինչև IX դարի վերջը»), որտեղ ի միջի այլոց ասված էր, որ հայերը շարունակում էին կարևոր դեր խաղալ կույսրության քաղաքական և ռազմական կյանքում, քայց, բացառությամբ Փոքր Ասիայի արևմուտքում մեկուսացած փոքրաթիվ գաղութների, հայերի ազդեցության արևմտյան սահմանը Փոքր Հայքն էր: Ֆ. Գրանամ (ԱՄՆ, «Դիգենիս Ալրիտասը» որպես Բյուզանդական կայսրության արևելյան սահմանների պատմության սկզբընադրյուն»), որտեղ բյուզանդական էպոսի տվյալները գնահատվում են որպես արժանահավատ աղբյուր Բյուզանդական կայսրության արևելյան սահմանների պատմության ուսումնասիրության համար: Ռ. Ա. Հյունեինով (ՍՍՀՄ, «Բյուզանդիայի և սելջուկների փոխհարաբերությունները Փոքր Ասիայում XI—XII դդ. ըստ ասորական աղբյուրների»), որտեղ հիմնական-

նում օգտագործված են Միքայել Ասորու, 1234 թ. Անանուի և Բար-Հեբրեոսի ժամանակագրության տվյալները: Ֆ. Հիլդ (Ավստրիա, «Ճանապարհները և ճանապարհականները վերին Եփրատյան նահանգներում»), Վ. Կաեդի (ԱՄՆ, «Խարսիանոն բանակաթեմի քաղաքականությունը»), որտեղ, ի միջի այլոց, ասվում էր, որ 863—872 թթ. միջև ըստեղծված այս բանակաթեմը Կապադովկիայի և Անատոլիկոն բանակաթեմների դաշնակցությամբ օպոզիցիայի մեջ էր գտնվում Արմենիակների և հայերով բնակեցված այլ շրջանների հետ: Ա. Սարգիսյան (ԱՄՆ, «Հայերը Բյուզանդական կայսրության արևելյան սահմաններում և Բալկաններում»), որտեղ ընդգծված էր հայերի դերը կայսրության պատմության մեջ, բյուզանդական կայսրերի նվաճողական քաղաքականությունը Հայաստանում, հայերի գաղթեցումները կայսրության տարբեր շրջանները և այդ քաղաքականության աղետալի հետևանքները Բյուզանդիայի համար: Պ. Կալին-Հայտե (Բելգիա, «Տարոնի իշխան Կրիկոսի կրթության մասին»), որտեղ խոսք եղավ հիշյալ իշխանի և Բյուզանդիայի փոխհարաբերության ներքին էվոլյուցիայի մասին: Կանգ առնելով այս իշխանի ծագման հարցի վրա, զեկուցողը Հովհաննես Դրասխանակերտցու տվյալների հիման վրա գալիս է այն եզրակացության, որ Տարոնի իշխանը ծագումով Բագրատունի էր: Մ. Դ. Լոգկիպանիս (ՍՍՀՄ, «Բյուզանդիայի և Վրաստանի սահմանները»), որտեղ զեկուցողը հիմնականում անդրադարձավ Դավիթ կուրաղապատի իշխանությանը: Կ. Ն. Յուզբաշյան (ՍՍՀՄ, «Բյուզանդական բանակաթեմերը Հայաստանում X—XI դդ.»): Զեկուցողը կանգ առավ հայկական հողերի՝ Բյուզանդիայի կողմից զավթվելու, տեղում բյուզանդական վարչակարգի հաստատման, ինչպես և հայերի շրջանում այդ դարերում տարածում գտած բյուզանդական մի շարք վարչական տերմինների վրա: Ա. Ստրատոս (Հունաստան, «Կայսրության սահմանները VII դարի ընթացքում»), որտեղ զեկուցողը, ի միջի այլոց, կանգ առավ VII դարի ընթացքում կայսրության սահմանների տատանումների վրա Հայաստանում: Ֆ. Տինենֆելդ (ԳՖՀ, «Մելիտենի քաղաքի պատմությունը բյուզանդական տիրապետության վերջին շրջանում, 934—XII դարի սկիզբը»), որտեղ ասվեց քաղաքի՝ հայազգի զորավար Հովհաննես Կուրկուասի կողմից գրավելու, քաղաքում Բյուզանդիայի վարած քաղաքականության մասին, քաղաքի դիրքի մասին Վարդաս Սկյերոսի ալբստամբության ժամանակ, կայսեր և քաղաքի

միաբնակ ազգաբնակչության դավանաբանական վեճերի և պայքարի մասին, վերջապես քաղաքի՝ ժամանակավորապես փլվարտոս Վարաժնունուն ենթարկվելու մասին և այլն: Ա. Ալպազո-նովելյա (Իտալիա, «Գառնահովիտի եկեղեցին» (ՀՍՍՀ) և նույնատիպ հուշարձանները): Զեկուցողը կանգ առավ Թալինի մոտ գտնվող այդ եկեղեցու, կենտրոնագմբեթ եկեղեցիների՝ հնագույն նմուշներից մեկի վրա, որի նախատիպը համարում է Ավանի եկեղեցին և զուգահեռներ անցկացնում Դառնահովիտի և ավելի ուշ շրջանի հուշարձանների (Հրոփսիմեի, Այգեշատի, Արամուսի, Սիսիանի, Զվարիի և Աղթամարի եկեղեցիների) միջև: Վ. Ս. Նանդերովսկայա (ՍՍՀՄ, «Էրմիտաժի արճիճն կնիքների հավաքածուի մի քանի նմուշների մասին»): Համադրելով կնիքագիտության տվյալները դրավոր աղբյուրների տվյալների հետ, զեկուցողը հանդես է բերում մի շարք նոր փաստեր հայտնի պատմական գործիչների մասին (գլխավորապես հայագի), այդ թվում Թեոդորականների, Վառազվաչի, Ռուրիկյանների և այլոց: Տ. Ա. Իզմայլովա (ՍՍՀՄ, «Մատենադարանի մի քանի ձեռագրերի պահպանակները XI դարի մանրանկարներով»): Զեկուցողը ուսումնասիրության առարկա էր դարձրել Մատենադարանի № № 963, 4435 և 10147 ձեռագրերի պահպանակների մանրանկարները, որոնք ուսումնասիրողների կողմից համարվում են հայկական արվեստի «բյուզանդական» ուղղությանը պատկանող: Վ. Ա. Հաբուրչունովա (ՍՍՀՄ, «Փիլարտոս Վարաժնունու քաղաքական գործունեությունը Բյուզանդիայի հարավ-արևելյան շրջաններում»):

Զեկուցողը ուսումնասիրել է Փիլարտոս Վարաժնունու իշխանության ժաղման և վերացման պատճառները: Դ. Վալուտա և Հ. Վահրամյան (Իտալիա, «Հայերի հաստատումը ումինական հողերի վրա»): Զեկուցողները ցույց տվեցին, թե ինչպես Բյուզանդիայի կողմից հայկական հողերի գրավումից հետո հայերը ըստիսված տարրեր ժամանակներում արտագաղթում էին օտար երկրներ, այդ թվում և Ռումինիա, ստեղծում ինքնավար գաղութներ և լայն շինարարական գործունեություն ծավալում (հատկապես Սուլավայում, Ցաշում, Բոտոշանում, Ռոմանում, հետագայում՝ նաև Ֆոշանում, Տրդու-Օկնայում, Բակրուում, Դալացում, Զետատիա-Ալբայում), հայկական ճարտարապետության և կերպարվեստի ազդեցությունը տարածելով ումինականի վրա:

Ռումինական Սոցիալիստական Հանրապետության արվեստի թանգարանում կոնգրեսի մասնակիցների համար կազմակերպվել էր հատուկ ցուցահանդես՝ «Բյուզանդական կուլտուրան Ռումինիայում» թեմայով: Կազմակերպվեցին նաև էքսկուրսիաներ դեպի միջնադարյան մայրաքաղաքներ Կուրտեա դե Արջեշ և Տրդուվիշտե:

Կոնգրեսի աշխատանքների վերջում Բյուզանդադեպետների Միջազգային Ասոցիացիայի նախագահ ընտրվեց Դ. Զակիթինուր (Հունաստան), գլխավոր քարտուղար՝ Ա. Պերտուզիե (Իտալիա): Որոշվեց բյուզանդադեպետների հերթական XV կոնգրեսը գումարել Նիկոզիա քաղաքում (Կիպրոս):

Հ. ԲԱՐԹԻԿՅԱՆ